

內 務

十六

二月

明將來有無成效尙難逆睹此外煤窖課銀嚴防奸商蒙隱亦有增加商辦各礦因無成效升課者寥寥 奏請官辦之密雲鄉等礦雖無大利益不至賠累統查各項入款較前頗有起色年計得二十餘萬舉辦各新政經費不虞支絀以後年穀順成邊境安堵大可歸常收放此熱河近日籌款之實在情形也至於綏定蒙旗每恩宏宣 朝廷德意務使藩服知恩永作北門屏蔽前喀拉沁各旗旗賞均設法籌墊 奏請借支放給近日蒙旗困苦 奏請由礦課項下加提一成以示體恤遇有案件則秉公執法不稍假借 恩威並用各蒙旗咸遵約束此又辦理蒙旗情形也奴才世受 國恩忝膺疆寄值此時局艱危愧無轉旋之力上分 宵旰之勤勞東望錦杞憂日切寸惴所積耿耿在中僅就所在力圖報稱所有奴才整理熱河地方實在情形理合恭摺具陳伏乞

皇太后 皇上聖鑒謹 奏

熱河都統松奏添設府縣變通辦理情形摺

奏爲熱河添設府縣因時變通謹將辦理情形恭摺具陳仰祈 聖鑒事竊思爲政貴乎得人辦事期於有濟凡用人行政之經各有因時制宜之術熱河添設府縣各缺經歷 奏明在案原議改朝陽縣治爲府兼理民事實因朝陽一帶邊荒去承德府太遠偶有警變機括不靈知府官階較崇改設一缺得以就近督率因境地遼闊就迤東之鄂爾土板地方添設

阜新縣缺劃地而治所有詞訟緝捕起造署所修理監獄大費周章當此邊境多事之秋不得不量爲變通之計朝廷一帶舊有盜藪儻府縣不得其人恐匪徒竊發爲患兼之近日調兵添防亟需肆應之才加意照料奴才審度時勢未敢拘執成見查有存記候補道員現署承德府之曹景邨才具優長勇於任事兩次委剿朝廷積匪頗能聯絡紳民匪徒爲之惴息擬飭該員曹景邨交卸承德府前往代辦朝陽府事管理朝陽建昌建平三縣地方督率官紳整頓鄉練籌邊防該員孰悉情形大可藉資彈壓每年按照原奏籌給津貼銀六千兩以資辦公其有一切民事仍歸朝陽縣專心經理再查現署朝陽縣之何厚吾年強才裕勤奮有爲飭令照舊署理縣事每年仍籌給津貼銀四千兩府縣向在一處諸事均便酌商又遵照奏定之案添設府經歷一員暫行委員兼辦暫不更改縣名亦毋庸劃分界限一俟邊事平定仍照前奏再行酌量辦理奴才非動事更張緣時事變遷日新月異而因地擇人又未可稍涉遷就所有朝陽府縣因時變通情形緣由是否有當謹會同直隸總督臣袁世凱恭摺 奏明伏乞

皇太后 皇上聖鑒謹 奏奉 硃批著照所請該部知道 欽此

熱河都統松奏添設建平縣知縣典史委員試辦片

內務

十七

甲辰